

Fiefia ke Tokoni!

'Oku ou sai'ia 'i he 'enisilatā (me'akai faka-Mekisikou), fikā, mo e lanumata minitiā. Ko 'eku ongomātu'á mei Puluniti, ko ha fonua 'i 'Afilika Hahake. Na'e fā'ele'i au 'i ha 'apitanga kumi hūfanga 'i Tenisenia. 'Oku ou nofo he taimi ni 'i 'Iutā, USA.



KO HA HINGOA MAKEHE

'Oku ou lea faka-Pilitānia mo ha lea fakafonua 'oku ui ko e Kiluniti. 'Oku 'uhinga hoku fakaikú "Te u hounga'ia ma'u pē 'i he me'a 'oku ou ma'ú." 'Oku ou fakamālō he 'oku tokolahi 'a hoku kāinga foki 'oku nau nofo ofi mai pē.



FĀMILI FIEFIA

Lolotonga e ngaahi 'aho mālōlō, 'oku mau ō mo hoku fāmili ki he 'api 'o 'emau Kui Fefiné ke ma'u me'atokoni efiafi. 'Oku mau kai sambusas (tou fakapaku mo e laise pe kakano'i manu 'i loto). Hili ia pea fai 'e he mātū'á ha ngaahi talanoa, tā 'e he'eku fā'ē-tangatā mo hoku fanga tuonga'ané ha ngaahi nafa, pea u tau'olunga mo hoku tokouá!

KO HONO TOKONI'I E NI'IHI KEHÉ

'I he'eku fu'u lahi, 'oku ou fie hoko ko ha neesi. Ka 'i he taimi ni 'oku ou lava 'o tokoni 'i hono fai e foó, fetongi e taipa hoku kii tehina kei pēpē, mo tokoni ki hoku kii tehina ko Sofi 'i he'ene ngāue fakaako mei 'api.

Mei ha faka'ekē'ekē mo Jordan Wright, 'Iutā, USA

SILA MEI HE GETTY IMAGES



KO HONO FAKAHĀ 'O E 'OFĀ KI HE FĀNAU FO'OU

- Kapau 'oku 'ikai ke ke lea 'aki 'enau leá, kumi ha taha te ne lava 'o liliu lea.
- Ako e founga lea mālō e lelei. 'I he lea faka-Kiluniti, 'oku nau pēhē "Amakuru." 'I he faka-Suahili, 'oku nau pēhē "Jambo!"
- Fakaafe'i kinautolu ke nau ha'u 'o va'inga mo koe.

KO HONO TOKONI'I 'O E NI'IHI FO'OU

'Oku ou sai'ia foki he tokoni 'i he Palaimeli. 'Oku 'i ai ha ni'ihī 'i homau koló 'oku nau lea faka-Kiluniti 'i 'api, mo ha ni'ihī lea faka-Suahili. 'Oku mau lea faka-Pilitānia 'i he Palaimeli. 'I he taimi 'oku ha'u ai ha ni'ihī fo'ou ki he Palaimeli 'oku nau lea faka-Kiluniti 'ata'atā pē, 'oku ou tokoni 'i he liliu leá kiate kinautolu.



'E founga fēfē ha'o muimui kia Sisū 'aki hono fakahā'i e 'ofā? 'Omi kiate kinautolu ha haati fakataha mo ho'o talanoá mo e taá, fakataha mo e fakangofua 'a ho'o mātū'á. 'Omi ia 'i he liahona.lds.org (lomi e "Submit an Article") pe 'imeili ki he liahona@ldschurch.org.